



Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Secunda. Textus: Et Thomas cum eis. Joannis 20. Thema: Societas
cum bonis, plurimum prodest.

[urn:nbn:de:hbz:466:1-51763](#)

IN FESTO S. THOMÆ
APOSTOLI

CONCIO SECUNDA.

Et Thomas cum eis. Joanis 20.

Textus.

Societas cum bonis, ac timoratis, plurimum
prodest.

Thema.

Nicam causalem quod nunc S. Thomas firmiter credit, *Exordium.*
*V*in affectus amoroſos prorumpat: *Dominus meus & Deus meus,* ponit S. Evangelista: *Thomas erat cum eis.* Cum Apostolis inquam: Discimus hinc, ut nociva est converſatio cum improbis, sic iuſtorum societas invenitur proficia: *Omnium societatum nulla preſtantior, nulla firmiter eſt, quam cum viri boni moribus ſimiles ſunt familiaritate conjuncti,* inquit Seneca ep. 11. Sacra Scriptura conſirmat: *Cum Sancto Sanctus eris, & Textus Secundum viro innocentem innocens eris, Ps. 17.* Quicum ſapienſibus gradit arce Scriptum ſapiens erit. *Prov. 13.* Et Christus Matth. c. 18. inquit: *Ubi duo vel tres congregati ſunt in nomine meo, in medio eorum ſum.* Audiamus SS. Patres: *Ad inſtructionem jungi bonis plurimum proſicit, & ad probitatis Testimonium,* docet S. Ambroſ. lib. 1. offic. c. 45. *Amabilis ſocius* *est omnibus officiоſus, & nulli oneroſus, quia devotus ad Deum, benignus ad proximum, ſobrius ad mundum,* ſcribit S. Chrysſotomus ſu- *S. Ambroſius* *per Matth.* Et iterum in *Pſal. 4.* ſi malos fugias, bonos ſequaris, utrim- *S. Chrysſotomus* *que & virtus augefcat, & decreſcat vitium.* Societas bonorum duplex affert lucrum, ſcribit S. Bernardinus Senenſ. art. 1. cap. 1. *Primum eſt cognitio malorum ad evitandum, nam ubi plures virtuosi ſimil con- gregati ſunt, habentes plures ſpirituales oculos, plura vident, perſpicatoresque ſunt, atque amplius oculati ad evitandum mala.* Per pulchrè S. Gregorius hom. 5. in Ezech. *Qui sancto Viro adhaeret, ex S. Gregorius ejus*

*S. Augusti.
1. M.* ejus assiduitate visionis, usu locutionis, exemplo operis, accipit ut accendatur in amorem virtutis, peccatorum suorum tenebras fugat, in desiderio lucis exardest. Optimè S. Augustinus de amicitia: c. 3. In rebus humanis nihil sanctius appetitur, nihil experitur dulcissimum, nihil fructuosius tenetur justi amicitia; habet enim fructus vita presentis & future. Concludo cum S. Basilio in Psalm. 132. Quemadmodum suavia aromatum odoramenta proprium per aëra, & continentem emittunt odorem, quo presentes recreantur, ita viri justi societas, sibi commorantium contubernio salutaris est, ac jucunda. Implorata S. Spiritus gratiâ desuper Conceptus pandam.

CONCEPTUS I.

Duo ingentia beneficia collata Patriarchæ Loth Sacra Scriptura memorat: Primò, quod vir pius, timoratus, fuerit. Secundò, quod à Deo temporalibus bonis mirum benedictus, abundaverit: ita Genes. cap. 13. Sed & Loth fuerunt greges ovium, & armenta, & tabernacula, non poterat eos capere terra, ut habitarent simul, erat quippe substantia eorum multa. Unde Loth tot dona, & benedictiones? Sacra Scriptura adscribit consortio justi ABRAHÆ. Loth, erat cum Abraham: Cum Abraham, viro justo, ac Deum timente: Ex hac societate cum viro justo, ac Deum timente, tantarum benedictionum Scaturigo: ita Lippomanus in hunc locum: Benedixerat Dominus ipse Loth, ex consortio fidei cum sancto, ipsumque divitiis auxit, & morum sanctimonia eum decoravit, cum sancto enim Sanctus erit: Hoo ipsum expertus fatetur Laban.

CONCEPTUS II.

Jacob pius, ac optimæ vitæ adolescens, devenerat ad Laban, apud quem servivit multis annis quam diligentissime; pariter timoratus Juvenis Joseph Phutifari in servum divenditus, domui ejus præfuit fidissime: fatetur nunc Laban, à quo tempore Jacob ei servit, manifestè augeri substantiam suam; fatetur & Phutifar, à quo Joseph adest in domo sua, se incrementum rerum suarum sentire.

sentire. Unde hoc augmentum, ac incrementum? Fors industria labori, sudori servientium adscribunt? non sic labori, quam pietati, ac vitae integratati secum commorantium optimorum juvenum. Audiamus textus: *Experimentum didici*, (inquit Laban) *quod benedixerit mihi Deus propter Te*; Genes. 30. Simili modo ob consortium integerimi Joseph benedicta est tota domus Aegyptii: *Benedixitque Dominus Domui Aegyptii, & multiplicavit tam in eis*, quam in agris cunctam ejus substantiam. Genes. 39. desuper S. Ambrosius: lib. 2. de Jacob: *Vide quanta virtus, cui societas lucrum dabit, non irrogabat dispensum.*

CONCEPTUS III.

Saul Rex totus perversus, ac offensus Davidi, mittit lictores, ut compræhenderent David, & vinculum tenerent: *Misi lictores: ut raperent David.* 1. Regum cap. 19. Quid accidit: Lictores, iniquum, ac crudele genus hominum, mansuetissimi, religiosissimi, modestissimi facti sunt: *Factus est Spiritus Domini in illis, & prophetare cœperunt.* Primitus adeò mirabiliter converfis, mansuetis effectis, mittuntur alii, prioribus ferociores, quibus similiter contigit; *Prophetarunt & illi:* Ergo ipse Rex Saul, totus furiens, in persona propria, David insequitur, ascendit David comprehendere; & ecce: *Et factus est etiam Spiritus Domini super illum, & prophetabat.* Ipse Saul mansuescit, ira deposita, totus mitis, Deo devotus, timoratus efficitur: Unde hic mirabilis effectus? Effectus erat socieratis timoratae, atque sanctae; morabatur pius David cum virtuosissimo Samuele, his pii, virtuosis, justis, se adjungentes lictores, & postea socians ipsemet Rex Saul: omnes pii, devoti, virtuosi, justi efficiuntur. Ita Tertullianus lib. de anima: *Cum in sociate erat Deum laudantium dono Prophetia replebatur, qui, postquam ab eis segregatus est, à Demone vexabatur.*

CONCEPTUS IV.

Josue militem strenuum fuisse liber ejusdem testatur; tritum nunc est: milites raro pios, ac timoratos esse: Nulla pietas, fides, que viris, qui castra sequuntur. Josue autem, licet à juventute

F 3 miles,

miles, vir tamen Deo addic̄tissimus, timoratissimus fuit, probant hoc inaudita miracula, cum ad Josue verbum, stent sol & luna obedientes; unde militi tanta fides, pietasque? dicit Scriptura: ex consortio cum Moysi servo Dei, justo, Ita liber Exodi 24. cap. Surrexerunt Moyses & Josue: Subintrat hic S. Ambrosius: lib. 2. officiorum: cap. 20. Tantus JESUS NAVE, quod eum non tam erudit ad legis scientiam Moysi societas, verum etiam sanctificavit ad gratiam, unde factum est, ut qui fuerat socius conversationis, fuerat etiam successor potestatis.

CONCEPTUS V.

Musca foetida, ac putrida, à natura appetit, vana, & vaga circumvolat; factum est, & muscam naturam suam correxisse, munda, suaviter olentia, dulcia quæsivisse, & solitudinem adamasse. Ita Propheta Isaías cap. 7. Sibilabit Dominus Musca, quæ est in extremo fluminum Ægypti. &c. & venient, & requiescent omnes in torrentibus vallium, & in cavernis petrarum, & in omnibus frutetis, & in universis foraminibus. Unde vana & vaga, imunda, ac turpia appetens musca, facta est solitaria & cauta, casta ac munda? Non jam foetida, sed odorifera, ac dulcia quærens? dicit Propheta; Societatem Muscæ cum Ape esse causalem: Sibilabit Dominus Musca & Api, quæ est in terra Assur, & venient, & requiescent. &c. Apis, Virgo est, munda ac pura, Apis est, qua fugit oculos hominum, fragantes amat favos, cœlesti rore, ac dulcedine pascitur. Ergo dum Musca Api conjungitur, de ejus consortio didicit immunda fugere, dulcia, fragrantia, inquirere. Aptè Drago Hostiensis: de Sacram. Dominicæ Passionis: Sibilante ergo gratia, musca & apis convenient, & requiescent, apis virgo est. Quasi diceret: Consortio Apis Virginis, musca virginos mores induit; miræ utilitates muscæ pro manarunt.

CONCEPTUS VI.

Job cap. 39. Aquilam inducit prædis inhiantem, & cadavera de palcentem: In petris manet, & in præruptis silicibus commora-

bitur.

tur, atque inaccessis rupibus: Inde contemplatur escam, & de longe oculi ejus prospiciunt: pulli ejus lambunt sanguinem, & ubique cadaver fuerit, statim adest. Ezechiel de Aquila contrarium enarrat, non amplius deorsum, terram versus prospicere, escas contemplari, cadaveribus inhiare, sed ex integro meliorem, sursum oculos, cœlum versus levare, nonnisi cœlestia intueri, & divina anhelare; Facies Aquila desuper ipsorum quatuor. Ezechiel. Unde Aquila, ex prædatrice, facta est abstemia, ex carnivora, jejunans? ex inhiantे terrenis, nunc cœlestia appetens? motu indicat sacer textus: Due pennæ singulorum jungebantur. Inter facies, quas Ezechiel conspexit, erat & Cherub alatus: Cherub est zelosissimus, ferventibus spiritus, cœlestium, ac æternorum: Due pennæ singulorum jungebantur, ergo & jungebantur pennæ Aquilæ, cum pennis Cherub. Sic conjuncta, sic sociata Aquila cœlesti Spiritui, in aliam mutatur, ad prædas dedidicit involare, non jam cœdavera, sed cœli solitia, non ea, quæ deorsum, sed quæ sursum sunt, æterna respicit, anhelat, expectat. Aufim hinc allegare verba S. Hilarii: Utilis est presentia justi, quia necesse est profectum aliquem ex societate, & contemplatione illius consequamur.

CONCEPTUS VII.

De filio prodigo inquit Lucas cap. 15. In se autem reversus dixit: quanti mercenarii in domo Patris mei abundant panibus. Desuper quam optimè S. Petrus Chrysologus: In se ante rediit, ut rediret ad Patrem. Quomodo in se rediit? rediit considerando modum, quo iterum melior fieri, sive emendatus gratiam Patris mereri possit: & qualem excogitet modum audite: Parenti enixe supplicat: *Fac me sicut unum de mercenariis tuis.* Cur non potius supplicat, Pius Pater condonet ei delicta, ac poenas promeritas, sive iterum in gratiam recipiat: nihil horum rogat, unicum supplicat: *Fac me sicut unum de mercenariis tuis.* Rogat: in societatem Famulantum Patri suo suscipi; cur societati famulantum tam signatè coniungi

jungi petit ? Noverat in domo Patris sui nonnisi timoratos, pios , modestos , castos , justos ali , & soveri ; vitia , scelera, longe hæc à domo exulare , & meram florere virtutem. Rogat ergo prodigus : *Fac me &c.* Suscipe me in societatem probè tibi famulantium , ab his meliora edoctus , eorum bono exemplo correctus , & gratiam Parentis recuperare , super scelera sua veniam , & remissionem impetrare confidit ; sicutque testatur , proborum consortium ad corporis & animæ incrementum esse quam utilissimum.

Apilogus.

Hortor ergo cum Sapiente Prov. 13. *Cum Viro sancto affi-
dius es tu , quemcunque cognoveris obser-
vantem timorem DEI.*

Amen.



IN